

**Talamdan sa
Mga Mensahe alang sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
EFESO**

Mensahe 10

Mag-amping sa Pagkausa sa Espiritu diha sa Bugkos sa Panagdait nga Nagpahiusa

Basahong Kasulatan: Efe. 4:1-6; Exo. 26:15, 24-29; Juan 17:11, 21-23

I. Ang tinuod nga pagkahiusa diha sa iglesia mao ang pagbatasan sa pagkausa sa Lawas, nga mao ang pagkausa sa Espiritu—Efe. 4:1-6:

- A. Makita nato sa Efeso 4:4-6 nga ang pagbatasan nato sa pagkausa gibasi sa kinaiya sa pagkausa sa iglesia: usa ka Lawas, usa ka Espiritu, usa ka Ginoo, usa ka Dios, usa ka paglaom, usa ka pagtuo, ug usa ka bautismo.
- B. Ang pagbatasan sa tinuod nga pagkahiusa diha sa iglesia mao ang pag-aplikar sa pagkausa—Buh. 1:14; 2:46.
- C. Kining pagkausaha, ang pagkausa sa Espiritu, masingkamoton gyong ampingan diha sa bugkos sa panagdait nga nagpahiusa sa tanang magtutuo diha ni Cristo nga ang natranspormang maayong kagawian sa tawo gipalig-on ug gipadagaya pinaagi sa ug uban sa diosnong mga kaayo—Efe. 4:1-3.
- D. Nagpuyo ang Espiritu sa gipanganak pag-usab nga espiritu nato ug nausa sa atong espiritu isip usa ka espiritu—Rom. 8:16; 1 Cor. 6:17:
 - 1. Iliso ug ipatumong gyod nato ang tibuok natong pagkatawo niining nausang espiritu—Rom. 8:6b.
 - 2. Magkinabuhi ug maggawi gyod ta segun ning nausang espiritu—v. 4.
 - 3. Magkinabuhi nganhi ta niining nausang espiritu, makinabuhi nato ang Lawas ni Cristo nga mahimong hiniusang pagpadayag ni Cristo—Efe. 1:23.

II. Ang pagkausa sa Lawas ni Cristo mao ang pagkausa sa Espiritu, nga mao ang pagkausa diha sa Tulo-usang Dios, nga gipadayag sa pag-ampo sa Ginoo sa Juan 17; ang pagkausa sa Lawas ni Cristo mao ang nidako nga pagkausa sa Diosnong Trinidad—vv. 11, 21-23.

III. Ang pagkausa nga giampo sa Ginoo sa Juan 17 mao ang pagkausa nga gihulagwayan sa tabernaculo sa Exodo 26; kay naghulagway man ang kap-atag walo ka tabla sa tabernaculo sa mga magtutuo nga gitukod pag-usa aron mahimong puluy-anan sa Dios, tin-aw gyong hulagway sa pagkausa sa Tulo-usang Dios ang tabernaculo:

- A. Ang unang aspeto sa pagkausa sa Tulo-usang Dios makita sa tulo ka bulawang singsing (ang mga tuhoganan sa mga balabaag nga nagpausa), nga nagtimaan sa panugdang Espiritu, sa nanganak pag-usab ug nagtimbreng Espiritu, sa malangkobon-sa-tanan nga Espiritu sa Tulo-usang Dios diha sa pagkabanhaw aron mausa ang mga magtutuo—vv. 15, 24-25, 29; Juan 3:6; Efe. 1:13; 4:3, 30; itandi sa Gen. 24:22; Luc. 15:22.

- B. Ang ikaduhang aspeto sa pagkausa sa Tulo-usang Dios makita sa paghal-op sa mga tabla (nga nagtimaan sa mga magtutuong may tawhanong kinaiya) og bulawan (nga nagtimaan sa Dios nga may diosnong kinaiya)—Exo. 26:29:
1. Wala sa kahoyng acacia ang pagkausa sa mga tabla sa tabernaculo kondili naa sa bulawang gihal-op sa kahoy; naghulagway kini nga ang pagkausa sa iglesia wala sa atong pagka-tawo kondili naa sa Tulo-usang Dios ug sa Iyang diosnong kinaiya—Juan 17:21.
 2. Ang pagkausa sa mga tabla dili lang nga naa sa bulawan, nga nagtimaan sa Dios, kondili naa sab sa pagsidlak sa bulawan, sa pagpadayag sa bulawan, nga nagtimaan sa himaya sa Dios; naa sa Tulo-usang Dios ug sa Iyang himaya, sa Iyang pagsidlak, sa Iyang pagpadayag, ang pagkausa nato karon—vv. 22-24.
 3. Ang panugdang Espiritu, nga mao ang Tulo-usang Dios nga gihulagwayan sa bulawan, mao ang pagkausa sa Espiritu (Efe. 4:3); ang paghal-op sa bulawan sa pagkatinuod mao ang pagpakaylap sa pagkausa:
 - a. Labi nga mahal-opan tag bulawan, labi sab nga mausa ta; labi nga duna tay Dios, labi sab nga magmalig-on ang atong pagkausa—itandi sa Col. 2:19.
 - b. Imbis nga hinal-opan og bulawan, gisapawan ra tingali tag nipis nga bulawan, sama sa Dakong Babilonia sa Bugna 17; dili tingali paigo ang gidaghanon sa bulawan nga naa nato nga mag-amping nato sa tinuod nga pagkausa—v. 4.
 - c. Sa diha lang nga maensaktog hal-op og bulawan ang mga tabla nga mahingpit sila aron mausa; nagpakita kini nga ang mahingpit aron mausa pagkabaton man og dugang pang Dios—Juan 17:23.
 - d. Dili lalim ang pagpakabaton og igong bulawan nga bagang ihal-op sa tabla nga acacia nga 15 pies ang gitag-on ug 27 ka pulgada ang gilapdon; kinahanglan nga bug-at, бага, ug igong mosangga sa bug-at nga tabla ang bulawan (nga nagtimaan sa Dios) ug mokupot kini pag-usa sa uban pang tabla (sa mga magtutuo)—Exo. 26:16.
 - e. Wala sa atong pagka-tawo ang pagkausa; hingpit gyod kining naa sa Tulo-usang Dios; nagpasabot ang mahingpit aron mausa nga makabaton og dugang pang Dios—Juan 17:21, 23.
 4. “Makamugnag seryosong problema sa pagkausa ang dili pagkabaton og igong Dios. Dili kalihokan ang pahiuli sa Ginoo. Wala ta magtinguhang makabaton og daghan kaayong tawo. Diha sa pahiuli nagtagad ta sa tinuod nga kabug-aton sa bulawan. Ang importanteng pangutana mao kini: Unsa man kadako ang Dios nga naa nimo? Hinimo ang pahiuli sa Ginoo sa Dios nga naghal-op sa Iyang Kaugalingon sa gipahiuli Niyang katawhan” (*The Collected Works of Witness Lee, 1978*, vol. 3, “Truth Messages,” p. 364).
 5. May kalabotan ang pagkausa sa pagtidlom ngadto sa Tulo-usang Dios hangtod hingpit na tang mahal-opag bulawan; ang problema nato kay kulang man tag Dios, ug ang gikinahanglan nato mao ang pagpakabaton pa gyod Niya—Col. 2:19b; Fil. 3:8b:
 - a. Nag-agad ang tanan sa gidaghanon sa bulawang naa nato, mahimo mang magmabingkilon tang tanan kon kulang tag bulawan.
 - b. Gikinahanglan sa Ginoo karon kining tinuod nga pagkausa; kon wala nato kining pagkausaha, dili ta makapadayon sa pahiuli.
 - c. Ang bugtong paagi nga maampingan ta ning lig-on, tinuod nga pagkausa pagkanaa may igong kadak-on sa nasinating Dios—v. 10.

6. Dili gyod mohal-op ang bulawanong kinaiya sa Dios sa hulog nga kinaiya nato kondili mohal-op lang sa atong kinaiya nga gipanganak pag-usab ug natransporma, nga gitiman-an sa kahoyng acacia:
 - a. Dungang mahitabo ning pagkatransporma ang paghal-op sa bulawan; naay pagtransporma ngani, naa sab ang paghal-op sa bulawan.
 - b. Nag-agad ang pagkatransporma sa paghigugma nato sa Ginoo, sa pagkontak nato Kaniya, sa pagpamati nato sa Iyang pulong, sa pag-ampo nato Kaniya, ug sa paggawi nato uyon sa espiritu; basta naa nato kining lima ka butang, nagkinabuhi ta ni Cristo—Rom. 8:4; Fil. 1:19-21a.
 - c. Sa diha lang matransporma ug mahal-opan na tang tanan og bulawan nga wala na gyoy purohan nga maanaay pagbingkilay sa atong taliwala; ang bugtong panalipod mao ang mahal-opan og bulawan—2 Cor. 3:16-18; Rom. 12:1-5.
- C. Ang ikatulong aspeto sa pagkausa diha sa Tulo-usang Dios makita sa mga balabag nga nagpausa, nga nagkupot pag-usa sa kap-atag walo ka tabla ug nagpausa niini; kining mga balabag nga nagpausa nagtimaan sa panugdang Espiritu nga nahimong nagpahiusang Espiritu nga mopahiusa sa tanang bahin ni Cristo sa usa ka Lawas—Exo. 26:26-29; Efe. 4:3:
 1. Ang mga balabag nga nagpausa hinimo sa kahoyng acacia aron dunay kusog sa pagsumpay ug gihal-opag bulawan aron magpahiusa; kanang hinimo ang mga balabag sa kahoyng acacia nagpakita nga naglambigit ang pagkausa sa Espiritu dili lang sa pagkadios ni Cristo kondili sa pagka-tawo sab Niya—itandi sa v. 2, nota 1.
 2. Sa pagkatinuod, nagtimaan ang mga balabag nga nagpausa dili lang sa Espiritu Santo, kondili sa Espiritu Santo nga nasagol sa tawhanong espiritu nato (Rom. 8:16)—sa nasagol nga espiritu, nga naglakip sa pagkadios ug pagka-tawo.
 3. Ang pagpahiusa sa mga tabla sa tabernaculo naglambigit sa pagtuhog sa mga balabag sa mga singsing sa matag tabla aron masumpay ang mga tabla; nagtimaan kini nga mahiusa ang mga magtutuo ni Cristo sa dihang mobulig ang ilang espiritu sa Espiritu, sa ingon niana magpatuhog sila sa naghiusang Espiritu aron mausa sila sa ubang magtutuo.
 4. Aron makalusot nato ang nagpausang Espiritu ug sa ingon niana mag-usa nato sa uban, dawaton gyod nato ang krus, kay motuhog man gyod ang nagpausang Espiritu sa mga tabláng nagtindog—Mat. 16:24:
 - a. Madugtong ug mausa ta tungod sa espiritu (uban sa atong hunahuna, pagbuot, ug pagbati) nato nga nibulig sa nagtuhog nga Espiritu; mausa ngani ang atong espiritu sa nagtuhog nga Espiritu, masinati nato ang nagpausang Espiritu.
 - b. Mahimo gyod untang nagpausang Espiritu ang panugdang Espiritu sa sulod nato; mausa ug matukod dayon ta ug mapanalipdan gikan sa pagbingkilay ug pagbahinbahin.
 - c. “Dili resulta sa pagtuon sa Biblia kining mensahea; resulta kini sa hilabihang pag-antos. Tungod ning pag-antosa, naningkamot gyod ko atubangan sa Ginoo nga makasabot sa sitwasyon. Inanayng gipakita sa Ginoo kanako nga naay hinigugmang mga igsoon nga tulo ra ka singsing ang naa nila. Walay pagkaylap sa bulawan diha nila kay wala man sila matransporma. Ang hinungdan niini kay sa kasinatian ning mga mabingkilon wala may pagbatok sa krus” (*The Collected Works of Witness Lee, 1978, vol. 3, “Truth Messages,” pp. 374-375*).

- d. Gipahiuyon ta sa kamatayon ni Cristo pinaagi sa gahom sa Iyang pagkabanhaw—
Fil. 3:10; A. A. 2:8-14.
- e. Tanang buhaton ug ipamulong nato moagi gyod sa krus ug pinaagi sa Espiritu aron
ikapaambit si Cristo ngadto sa uban aron matukod ang Lawas ni Cristo.